

Pablo carta lelpox Filemónliajwa

Pablo carta lelpox Filemónliajwa

1 Xan Pablo, jiw jebatat jiw nabu'ajia chimiawuajan, Jesucristo pejwuajan, naewuajna xot. Filemón, xan, wajkoe-wan Timoteo suapich, ampox carta lel xamliajwa, xanal xam nejxasinkax xot. Xambej nabistam Jesucristo pejbichax, me-ama xanal. **2** Xanal lel xbej ampacarta wajkoewow Apialiajwa, Arquipoliajwabej. Arquipobej naknaewuajan Jesucristo pejwuajan, xam Filemón suapich. Lel xbej asewliajwa, japi naexasiti Jesucristo pejwuajan, natamejapi nejbatat. **3** Xan waj-ax Dios kawuajna x, wajpaklon Jesucristobej, xamal xabich kajachawaesliajwapi, chiekal duilaliajwambej, asew jiw suapich.

Pablo Dios kawuajanpox Filemónliajwa

4 Xan xabich Dios kawuajna x wut xam Filemónliajwa, gracias-an Diosliajwa. **5** Wultaen xam chiekal naexasisfulampox wajpaklon Jesucristo. Wultaen xbej asew jiw nejxasinkampox, japi naexasiti Jesús pejwuajan. Japoxan wultaen wut, xan Dios kawuajna xamliajwa. **6** Xan Dios kawuajna xam naewuajnaliajwam Jesucristo xanaboejaspoxliajwa. Xam chiekal naewuajna x Jesús pejwuajan naexasitampoxliajwa. Ja-am wut, xam chiekal matabijsaxaelam puexa pachaempoxan xatishliajwa Jesucristo pijaxtat. **7** Takoewan, xam xabich nejxasinkam asew jiw, japi naexasiti Jesús pejwuajan. Samata, xabich japi jiw nejchachaemil xamliajwa. Samata, xambej xabich nejchachaemil xamliajwa. Xabich nejchaxoel xpo xamliajwa, amwutjel nejchaxoela-enillejen.

Pablo to'apox Filemón pejme bu'kulsliajwapon Onésimo

8 Xan apóstolan, Dios nato'a xot. Samata, xajəpx xam tato'lalijwan. Pe nakiowa, xam to'axinil isaxaelampoxliajwa. **9** Xanlax ampox to'ax xam nawe-isliajwam, nanejxasinkam xot. Xan Pablo, pati'nan, nabistax Jesucristoliajwa. Samata, jiw jebaxot jiw nabu'ajia, naewuajnafulax xot Jesucristo pejuwajan asew jiwliajwa. **10** Samata, xam to'ax chamoeyax isliajwam Onésimoliajwa. Onésimo, me-ama taxulan, xan naewuajnax wut jiw jebaxot, japon naexasit xot Jesús pejuwajan.

11 Onésimo nej-esclavo wut, japon najaet xamxot. Ja-aech wut, diachwujnakolax japon chaemil xamliajwa. Pe amwutjel, japon chiekal pachaemlison xamliajwa, xanliajwabej. **12** Xan japon to'ax xam poxade nawiasliajwa. ¡Chiekal bu'kuldepon! Me-ama xan chiekal nabu'kultam wut, ¡ja-amde Onésimoliajwa! **13** Xan nejchaxoelx: “Pachaem Onésimo xanxot namanalijwa, Filemón pijaxtat Onésimo nakajachawaesfulalijwa, xan jiw jebaxotx wut, chimiawuajan, Jesucristo pejuwajan, naewuajnafulax xot jiw” —an, nejchaxoelx wut japonliajwa. **14** Pe xanliajwa chiekal nawepachaema-el Onésimo namanalijwa xanxot, xam najut tapae-emil wut. Xanbej nejxasinka-enil xam wuljoelijwan japon to'aliajwam nakajachawaesliajwa. Xam najut to'asiam wut Onésimo, pachaem to'aliajwam xan nakajachawaesfulalijwapon. **15** Dios bej tapaeisbej Onésimo najaesliajwa xamxot japox kaematkoianliajwa asbuən jumch. Amwut nawiasaxaelon xam poxade pomatkoicha jaxot namanalijwa. **16** Japon nawiat wut pejme xamxot, malech nabichaxaelon. Pe japon amwutjel esclavokala-el. Amwutjel japon kaes pejme pachaem. Japon wajkoewanbej, naexasit xoton Jesús pejuwajan, me-ama xam, ja-aech xoton. Xan japon nejxasinkax. Xambej japon nejxasinkaxaelam.

17 Xam nejchaxoelam wut xanliajwa: “Pablo, me-ama takoewan, japon Jesús pejuwajan naexasit xot” —am wut, ja-aech wut, Onésimo xamxot pat wut, chiekal bu'kulsaxaelampon. Me-ama xan chiekal nabu'kulsaxaelam wut, jachiyaxaelam Onésimoliajwa. **18** Onésimo xam chajia dewat wut, is wutbejpon babijax xamliajwa, ¡xan namat-omwuljoem! Xan mosaxaelen japon dewatpoxan. **19** Xan, Pablo, tajut ampox lelx. Xan tajut xam mosaxaelen Onésimo dewatpoxanliajwa. ¡Xambej chiekal

nejchafae'e xan xabich nadewatampox! Xam kajachawaetx xot naexasisliajwam Jesús pejwujajan, pomatkoicha dukaxaelam Diosxotse. **20** Takoewan, ampox jum-an xam nawe-isliajwam pachaempox Onésimoliajwa, xambej naexasitam xot Jesucristo pejwujajan. ¡Isde pachaempox Onésimoliajwa xan nejcha-chaemlialiajwan, xatis Jesucristo pejjiws xot!

21 Xan chiekal matabijtax xam na-owchiyaxaelampox. Matabijtaxbej xan jum-ampox, xam kaes pejme isaxaelam. Samata, ampox carta lel xamliajwa. **22** Kaes asax jumchiyaxaelen. ¡Tajpasax wujajna batu chiekal nawechaemde xanliajwa! Xamal piach Dios kawujajnam soldaw nakolsax natapaeliajwa xan dukxbatat, xamalxot pasliajwan. Samata, xan nejchaxoelx wut, jum-an: “Japi pejkawujajnantat xan ampabatat nakolsaxaelen” —an, nejchaxoelx wut.

Pablo, asew jiw suapich, saludos xato'apox

23 Epafra, japon tajnachalan, amwutjel japon jiw jebatat jiasbej, Jesucristo pejwujajan asew jiw naewujajnaful xoton. Japonbej saludos xato'a xamalliajwa. **24** Marcosbej saludos xato'a. Aristarco, Demasbej, Lucas suapichbej, japibej saludos xato'a. Japi xan nakajachawaesful, Dios pejbichax isfulax wut.

25 Xan wajpaklon Jesucristo kawujajnax xamal kajachawae sfulaliajwapon.